

ბანკის ვებგვერდზე <https://www.tbcbank.ge/web/ka/web/guest/pos-terminals> განთავსებული “პოს ტერმინალით მომსახურების შესახებ ხელშეკრულების ძირითადი პირობები” 1.3. პუნქტის შესაბამისად, სს “თიბისი ბანკი” გათვალისწინებულ “პოს ტერმინალით მომსახურების შესახებ ხელშეკრულების ძირითად პირობებში” (შემდგომში “ხელშეკრულების ძირითადი პირობები”) და “პოს ტერმინალით მომსახურების შესახებ ხელშეკრულების საერთო დებულებებში” (შემდგომში “საერთო დებულებები”) შემდეგი ცვლილებების / დამატებების შეტანას:

**1. შეიცვალოს ხელშეკრულების ძირითადი პირობების 1.1. პუნქტი და ჩამოყალიბდეს შემდეგი რედაქციით:**

1.1. კომპანია (მეწარმე / გადასახადის გადამხდელი ფიზიკური პირი და/ან იურიდიული პირი / ორგანიზაციული წარმონაქმნი) უზრუნველყოფს სს „თიბისი ბანკის“ (ს/ნ 204854959, შემდგომში „ბანკი“ / „თიბისი ბანკი“) პოს ტერმინალის (როგორც საგადამხდელო საშუალების, შემდგომში „ტერმინალი“ / „პოს ტერმინალი“) გამოყენებით, VISA, Master Card / Maestro და China Union Pay საერთაშორისო ბარათებით კომპანიის მიერ გაწეული მომსახურების საფასურის / გაყიდული საქონლის ღირებულების უნაღდო ანგარიშსწორების წესით მიღებას (გადახდების მიღებას).

**2. შეიცვალოს ხელშეკრულების ძირითადი პირობების 1.3. პუნქტი და ჩამოყალიბდეს შემდეგი რედაქციით:**

1.3. ბანკს უფლება აქვს ხელშეკრულებაში და/ან ნებისმიერ დანართში და/ან ნებისმიერი განაცხადით და/ან ბანკის ვებგვერდზე <https://www.tbcbank.ge/web/ka/web/guest/pos-terminals> (შემდგომში „ბანკის ვებგვერდი“) განსაზღვრულ პირობებში ცვლილებები/დამატებები შეიტანოს, ცვლილების/დამატებების განხორციელებამდე 5 (ხუთი) კალენდარული დღით ადრე ბანკის ვებგვერდზე შესაბამისი ინფორმაციის განთავსების ან კომპანიისთვის შეტყობინების გაგზავნის მეშვეობით. ამ პუნქტში აღწერილ შემთხვევაში, კომპანიას უფლება ექნება ბანკის ვებგვერდზე ინფორმაციის განთავსებიდან ან ბანკის შეტყობინების მიღებიდან 5 (ხუთი) კალენდარული დღის გასვლამდე ნებისმიერ დროს შეასრულოს ბანკის მიმართ არსებული ვალდებულებები / გადაუხადოს ბანკს შესაბამის მომსახურებასთან დაკავშირებული ყველა საკომისიო და სხვა სახის გადასახდელი და შეწყვიტოს ხელშეკრულების მოქმედება (წერილობით ან ი-მეილით (ი-მეილი უნდა გაიგზავნოს შემდეგ მისამართზე - [smepayments@tbcbank.com.ge](mailto:smepayments@tbcbank.com.ge)) მოსთხოვოს ბანკს ხელშეკრულების შეწყვეტა). ხელშეკრულების მოქმედება გაგრძელდება ამ ხელშეკრულებით კომპანიის მიერ ნაკისრი ყველა ვალდებულების სრულად შესრულებამდე. იმ შემთხვევაში, თუ კომპანია არ ისარგებლებს ხელშეკრულების მოქმედების შეწყვეტის უფლებით, ბანკის მიერ შეთავაზებული ცვლილებები (დამატებები) ჩაითვლება კომპანიის მიერ მიღებულად, პირობები კი შეცვლილად შეთავაზებული პირობების შესაბამისად. ბანკს უფლება აქვს პირობების ცვლილება/დამატება, რომელიც არ აუარესებს კომპანიის მდგომარეობას, ძალაში შეიყვანოს ვებგვერდზე მისი განთავსებისთანავე.

**3. შეიცვალოს ხელშეკრულების ძირითადი პირობების 1.4. პუნქტი და ჩამოყალიბდეს შემდეგი რედაქციით:**

1.4. მხარეები თანხმდებიან, რომ თუ ხელშეკრულებით და/ან ნებისმიერი განაცხადით და/ან ნებისმიერი დანართით და/ან ბანკის ვებგვერდზე განსაზღვრული ნებისმიერი პირობის ცვლილება/დამატება, ბანკი განახორციელებს კომპანიის სასარგებლოდ, ბანკი არ არის ვალდებული წინასწარ აცნობოს კომპანიას ცვლილების შესახებ.

**4. შეიცვალოს ხელშეკრულების ძირითადი პირობების 1.5.1. ქვეპუნქტი და ჩამოყალიბდეს შემდეგი რედაქციით:**

1.5.1. მხარეები თანხმდებიან, რომ კომპანიის მიერ გაცხადებულ ელექტრონული ფოსტის მისამართზე, რომელიც მითითებულია (ა) წინამდებარე ხელშეკრულებაში და/ან (ბ) კომპანიის მიერ ბანკისათვის მიწოდებულ/წარდგენილ/ხელმოწერილ ნებისმიერ დოკუმენტში / განაცხადში და/ან (გ) ნებისმიერ საჯარო წყაროში, გაგზავნილი ელექტრონული შეტყობინება, ითვლება კომპანიისთვის ოფიციალურად ჩაბარებულ შეტყობინებად.

**5. შეიცვალოს საერთო დებულებების 1-ლი მუხლის დასახელება და ჩამოყალიბდეს შემდეგი რედაქციით:**

1. საერთო დებულებებში / განაცხადში / ბანკის ვებგვერდზე მოცემულ ტერმინთა განმარტება.

**6. შეიცვალოს საერთო დებულებების 1.1. პუნქტი და ჩამოყალიბდეს შემდეგი რედაქციით:**

1.1. საერთო დებულებებში / განაცხადში / ბანკის ვებგვერდზე მოცემულ ტერმინთა განმარტებები და წესები ეყრდნობა საერთაშორისო საგადამხდელო სისტემის Visa International-ის, Mastercard Worldwide-ის და China Union Pay-ის წესებს.

**7. შეიცვალოს საერთო დებულებების 1.1.2. ქვეპუნქტის დასახელება და ჩამოყალიბდეს შემდეგი რედაქციით:**

1.1.2. განაცხადში / ბანკის ვებგვერდზე მოცემულ ტერმინთა განმარტება.

**8. შეიცვალოს საერთო დებულებების 1.1.2. ქვეპუნქტით განსაზღვრული ტერმინის „ფიქსირებული საკომისიო“ განმარტება და ჩამოყალიბდეს შემდეგი რედაქციით:**

ფიქსირებული საკომისიო - თანხის მოცულობა, რომელიც გამოიანგარიშება შემდეგნაირად: განაცხადის შესაბამის გრაფაში / ბანკის ვებგვერდზე მითითებული საკომისიოს ოდენობა, რომელსაც კომპანია გადაუხდის ბანკს თვეში ერთხელ და დაემატება განაცხადით / ბანკის ვებგვერდზე გათვალისწინებული ბარათით განხორციელებული თითოეული ტრანზაქციის საკომისიოს.

ფიქსირებული საკომისიო უაქცეპტო წესით ჩამოიწერება კომპანიის ნებისმიერი ანგარიშ(ებ)იდან, რაზეც კომპანია წინასწარ აცხადებს თანხმობას.

**9. შეიცვალოს საერთო დებულებების 1.1.2. ქვეპუნქტით განსაზღვრული ტერმინის „ფიქსირებული საკომისიო ერთეულ ტერმინალზე“ განმარტება და ჩამოყალიბდეს შემდეგი რედაქციით:**

ფიქსირებული საკომისიო ერთეულ ტერმინალზე - თანხის მოცულობა, რომლიც გამოიანგარიშება შემდეგნაირად: განაცხადის შესაბამის გრაფაში / ბანკის ვებგვერდზე მითითებული საკომისიოს ოდენობა, რომელსაც კომპანია გადაუხდის ბანკს თვეში ერთხელ თითოეულ ტერმინალზე და დაემატება განაცხადით / ბანკის ვებგვერდზე გათვალისწინებული ბარათით განხორციელებული თითოეული ტრანზაქციის საკომისიოს. ფიქსირებული საკომისიო უაქცეპტო წესით ჩამოიწერება კომპანიის ნებისმიერი ანგარიშ(ებ)იდან, რაზეც კომპანია წინასწარ აცხადებს თანხმობას.

**10. შეიცვალოს საერთო დებულებების 1.1.2. ქვეპუნქტით განსაზღვრული ტერმინის „ფიქსირებული საკომისიო ერთეულ ფილიალზე“ განმარტება და ჩამოყალიბდეს შემდეგი რედაქციით:**

ფიქსირებული საკომისიო ერთეულ ფილიალზე - თანხის მოცულობა, რომლიც გამოიანგარიშება შემდეგნაირად: განაცხადის შესაბამის გრაფაში / ბანკის ვებგვერდზე მითითებული საკომისიოს ოდენობა, რომელსაც კომპანია გადაუხდის ბანკს თვეში ერთხელ თითოეულ ფილიალზე და დაემატება განაცხადით / ბანკის ვებგვერდზე გათვალისწინებული ბარათით განხორციელებული თითოეული ტრანზაქციის საკომისიოს. ფიქსირებული საკომისიო უაქცეპტო წესით ჩამოიჭრება ნებისმიერი ანგარიშ(ებ)იდან, რაზეც კომპანია წინასწარ აცხადებს თანხმობას.

**11. შეიცვალოს საერთო დებულებების ტანდარტული პირობების 2.1.1.2. ქვეპუნქტი და ჩამოყალიბდეს შემდეგი რედაქციით:**

2.1.1.2. უზრუნველყოს პოს ტერმინალით Visa Electron / Visa Master Card / Maestro და China Union Pay ბარათებით განხორციელებულ გარიგებებზე ანგარიშსწორება, კომპანიის მიერ წინამდებარე ხელშეკრულებითა (ხელშეკრულების ძირითადი პირობებით და/ან საერთო დებულებებით) და განაცხადით / ბანკის ვებგვერდზე განსაზღვრული ვალდებულებების სრულად და ჯეროვნად შესრულებისა და ბაზის წარდგენის შემდეგ, თიბისი ბანკის კლიენტების შემთხვევაში - 3 (სამი), ხოლო სხვა ნებისმიერი კომერციული ბანკის კლიენტების შემთხვევაში - 5 (ხუთი) საბანკო დღის ვადაში.

**12. შეიცვალოს საერთო დებულებების 2.1.2.16. ქვეპუნქტი და ჩამოყალიბდეს შემდეგი რედაქციით:**

2.1.2.16. განაცხადში / ბანკის ვებგვერდზე ავანსად აღებული საკომისიოს ველში მითითებული საკომისიოს ოდენობა ჩამოჭრას (ჩამოწეროს) კომპანიის ანგარიშ(ებ)იდან ხელშეკრულების/განაცხადის/კომპანიისგან ამ ხელშეკრულებით განსაზღვრული ნებისმიერი მომსახურებით სარგებლობაზე დისტანციური არხით (მათ შორის ინტერნეტ-ბანკით, ელექტრონული ფოსტით) მიღებული შეტყობინების (მოთხოვნის / თანხმობის) გაფორმებისთანავე / მიღებისთანავე. თუ ტერმინალ(ებ)ის წინა თვის ბრუნვიდან მიღებული საკომისიოს ჯამი გადაჭარბებს ავანსად აღებული საკომისიოს ოდენობას, ავანსად აღებული საკომისიო სრულად დაუბრუნდება კომპანიას ანგარიშზე, ხოლო თუ საკომისიოს ოდენობა აღმოჩნდება ავანსად აღებულ საკომისიოს თანხაზე ნაკლები, კომპანიას შესაბამისი საკომისიოები ანგარიშ(ებ)იდან ჩამოეწერება ამავე დებულებით გათვალისწინებული ლოგის (წესების) შესაბამისად.

**13. გაუქმდეს საერთო დებულებების 2.2.1.35. ქვეპუნქტი. ხსენებულიდან გამომდინარე, 2.2.1.36. ქვეპუნქტის ნომრად განისაზღვროს 2.2.1.35., ხოლო 2.2.1.37. ქვეპუნქტის ნომრად - 2.2.1.36.**

**14. საერთო დებულებებს დაემატოს 4.8. პუნქტი და ჩამოყალიბდეს შემდეგი რედაქციით:**

4.8. ბანკი პასუხს არ აგებს კომპანიის მიერ ბანკისთვის მიწოდებული საკონტაქტო ინფორმაციის (ელ. ფოსტის, ინტერნეტ-ბანკის) საშუალებიდან სხვა პირის მიერ გამოგზავნილი შეტყობინების ან სხვა ნებისმიერი ინფორმაციის ამსახველი დოკუმენტაციის ბანკის მიერ მიღებით და შესაბამისად ქმედების განხორციელებით/ქმედების განხორციელებისაგან თავის შეკავებით გამოწვეულ შედეგ(ებ)ზე.

**15. შეიცვალოს საერთო დებულებების 7.1. პუნქტი და ჩამოყალიბდეს შემდეგი რედაქციით:**

7.1. ეს ხელშეკრულება ძალაში შედის განაცხადის მიღების ბანკის მიერ დადასტურების ან კომპანიისგან ამ ხელშეკრულებით განსაზღვრული ნებისმიერი მომსახურებით სარგებლობაზე დისტანციური არხით (მათ შორის ინტერნეტ-ბანკით, ელექტრონული ფოსტით) შეტყობინების (მოთხოვნის / თანხმობის) მიღების მომენტიდან და იმოქმედებს განუსაზღვრელი ვადით.

**16. შეიცვალოს საერთო დებულებების 7.3. პუნქტი და ჩამოყალიბდეს შემდეგი რედაქციით:**

7.3. ბანკს უფლება აქვს ნებისმიერ დროს შეწყვიტოს ხელშეკრულების მოქმედება, კომპანიისთვის შეწყვეტის შესახებ 15 (თხუთმეტი) კალენდარული დღით ადრე შეტყობინების საფუძველზე, ხოლო იმ შემთხვევაში, თუ კომპანიის სარგებლობაში ტერმინალ(ებ)ით განხორციელებული ტრანზაქციების მოცულობა თვეში იქნება 1000 (ათასი) ლარზე ნაკლები ან კომპანიას არ ექნება გადახდილი განაცხადში / ბანკის ვებგვერდზე მითითებული თვიური საკომისიო, ბანკს უფლება აქვს შეწყვიტოს ხელშეკრულება 5 (ხუთი) სამუშაო დღით ადრე შეტყობინების საფუძველზე.